

## 01 上好鼻的臭臊味

張涵婷

「倚山食山，倚海食海」，澎湖四箍圍仔擺是海，所以有真濟人擺是看海咧食穿，阮阿媽就是咧賣魚的。逐工天才拍磗仔光，伊就愛騎 oo-tóo-bái 去漁港標魚恰賣魚。寒天風 siù-siù 叫，我闊咧包棉襪，伊已經出門矣，實在足辛苦。

阮阿媽標魚恰賣魚的工夫擺真厲害，伊定定佇阮面頭前尻川翹懸咧臭屁。「我今仔日標魚疊人倂濟？予恁臆看覓？一箍！才一箍！有厲害無？」阿媽定定半賣半相送，而且闊袂共人食秤頭，生理好甲沖滾，規魚仔市的人無一个毋捌伊的。伊賣的魚百百種，熱天小管仔上濟；寒天當然是上好食的塗魷魚。

雖然我愈來愈大漢，學校的功課嘛愈來愈濟，毋過我上期待的就是放假的時陣，去魚仔市共阿媽鬥相共。我兩鞋穿咧、帽子戴咧，遠遠就大聲喝：「阿媽，我來矣！」阿媽笑目笑共人紹介：「這阮孫啦！全澎湖山上古錐的。」「來喔！來喔！現流仔，逐家緊來買喔！」阿媽負責剖魚，我負責提橐仔共人客貯魚恰鬥收錢。阿媽喙焦，我提涼水予伊啉；我腹肚朽，阿媽買雞卵糕予我食。毋知啥物原因，今仔日日生理特別好。逐个人擺呵咾講：「恁孫哪會遮爾仔勢。」

阿媽聽了心花開，就偷揜兩百箍予我做私奇。

我偷偷仔共恁講一个祕密，其實我真驚臭臊味。雖然魚仔市有臭臊味，拄開始我真袂慣勢，喙罨掛牢牢。後來我發現恰阿媽那賣魚那開講，其實恰物味嘛擺無鼻著。阿媽的身軀嘛定有臭臊味，毋過我知影這是阿媽疼惜我的滋味。見擺伊若看著上鮮上肥的魚擺會先留落來，人客想欲買，伊會講：「真歹勢，這尾魚是欲留予阮孫食的，無欲賣啦！」見擺伊若下班，身軀猶未洗，就會共上鮮的魚捉來阮兜，閣交代阿母一定愛煮魚湯予我食。阮兜的冰箱有滿滿滿的海產，食都食袂完。

自細漢我就食魚食到大漢，澎湖的海產予人呵咾甲會觸舌。你若是在來澎湖迴迴，會記得來共阮阿媽交關喔！